

**Sinerissap qanittuani aalisariutit isaterneqarneranni
akileraaruteqaataajunnaarnissaannik Naalakkersuisut peqquneqarnissaannik
Inatsisartut aalajangiiffigisassaattut siunnersuut
(Inatsisartunut ilaasortaq Jens Napaattoq, Partii Naleraq)**

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerreqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq
Inatsisartunut ilaasortaq Peter Olsen, Inuit Ataqatigiit, siulittaasup tullia
Inatsisartunut ilaasortaq Karl Kristian Kruse, Siumut
Inatsisartunut ilaasortaq Henrik Fleischer, Siumut
Inatsisartunut ilaasortaq Múte Bourup Egede, Inuit Ataqatigiit
Inatsisartunut ilaasortaq Malene V. Rasmussen, Demokraatit
Inatsisartunut ilaasortaq Jens NapátôK', Partii Naleraq

Ulloq 2. maj siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Sinerissamut qanittumi aalisariutit isaterneqarnissaannut tapiissutit akileraaruteqaataajunnaarnissaat siunnersuuteqartup siunnersuuteqarnermigut kissaatigaa. Isaterinermut tapiissutit siunertartik malillugu sunniuteqarsimangitsut siunnersuuteqartoq isumaqarpoq. Isaterinermut tapiissutit akileraaruteqaataajunnaarnissaat inuussutissarsiummut, sillimaniarnermut avatangii-sinullu iluaqutaassasoq aammalu aalisarnerup pitsaanerusumik ineriartulernissaanut peqataaqataasinnaasoq siunnersuuteqartoq isumaqarpoq.

2. Siunnersuutip Inatsisartunit siullermeerneqarnera

Siunnersuut siullermeerinninnermi tapersersorneqarlunilu akerlerineqarpoq. Akileraarusiisarnep inuussutissarsiummut immikkut artukkiineranik amerlanerussuteqartut erseqqissumik oqariartuuteqanngillat. Taamaattorli aappassaaneerinninnissaq sioqqullugu siunnersuutip ataatsimiititaliamut suliarineqartussanngortinneqarnissaa pisariaqartutut isigineqarpoq.

3. Ataatsimiititaliap siunnersuummik suliarinninnera

Ataatsimiititaliamit aallarniutigalugu oqaatigineqassaaq nalinginnaasumik isumaqartoqarmat isaterinnermut tapiissuteqartarneq aaqqissuussinerusoq pitsaasoq. Aaqqissuussinerup siunertaraa aalisarnermik inuussutissarsiuup inerisarneqarnissaa siuarsarnissaalu. Tapiissuteqartarnermik aaqqissuussinerup ataasiakkaanut kingunerisarpaa isaterinnermi aningaasartuutit matussuserneqarnissaannut tapiissutit peqataaqataasarnerat. Aningaasartuutit taakku akileraartarnikkut ilanngaatigineqarsinnaammata aaqqissuussinerup nassatarisaanik isaterinnermi aningaasartuutaasunit tapiissutit amerlanerusimappata tapiissutit aatsaat akileraarutaasussaapput.

Aalisarnermut aningaasaliissutinut immikkoortitat pillugit Inatsisartut inatsisaata allanngortinnera pillugu Inatsisartut inatsisaat Inatsisartunit 2011-mi akuersissutigineqarmat ataatsimiititaliamit eqqaasitsissutigineqassaaq, taassuma ilaatigut nassataraa isaterinissamut annerpaamik tapiissutigineqarsinnaasut aalisariutip sillimmasiinikkut nalingata 75 %-ianit aalisariutip sillimmasiinikkut nalingata 100 %-ianut qaffanneqarnera. Siunnersuutikkut siunertarineqarpoq maleruagassanik atuuttunik atuutilersitsinnermi anguniarneqartutut annertutigisumik isaterinissamut soqutiginnilertoqarnissaa.

Tassunga atatillugu siunnersuummut matumunnga taarsiullugu pitsaanagerussatut Naalakkersuisunit isigineqartumik tapiissutinik pissarsisunut ataasiakkaanut tapiissutigineqartartut amerlissinneqarnissaasa naapertuuttuunera ataatsimiititaliamit takujuminaatsinneqarpoq. Tapiissutit amerlineqarnerisigut ataasiakkaat isertaat akileraaruteqaataasussat amerleriartinneqassapput, taamaaliornikkulli ajornartorsiut aaqiivigineqassanngilaq. Tamatumali peqatigisaanik Naalakkersuisut oqariartuutaat una ataatsimiititaliamit paasinnittumik pissuseqarfigineqarpoq:

”Taamaalilluni piginnikkunnaarnermi pissarsiat eqqarsaatigalugit siunnersuut akileraarutitigut assigiinngissitsinnermik nassataqassaaq, taamaalillunilu assersuutigalugu aalisariut tuninagu isaterinnermut tapiissutisinnissaq aningaasaqarnikkut orniginartinneqarnerulissalluni.

Taama assigiinngisitsilersinnaaneq tunngavissaqanngitsutut aammalu inatsisit atuuttut ataqatiginninnerulernerannik nassataqassalluni.”

Siullermeerinninnermi oqariartuutit malillugit aalisariutinik isaterinnermut tapiissutinik pissarsisartut ukununnga sisamanut agguataarneqarsinnaasut ataatsimiititaliap paasivaa:

- Inuit aalisariutiminnik nutaanngilisunik aalisariutinik isaterinermut tapiissutit aqputigalugit atorunnaarsitsisinnaasimasut
- Inuit aalisariutinik isaterinermut tapiissutit aqputigalugit inuunerminni ingerlaqqis-sinnaasimasut suliffissanillu nutaanik pilersitsillutik
- Inuit aalisariutinik isaterinermut tapiissutit aqputigalugit sinerissap qanittuani inger-latsinerminnik annikillisaanissamik kissaateqarnerminnik piviusunngortitsisinnaasi-masut
- Inuit aalisariutinik isaterinermut tapiissutit aqputigalugit ukiutik pissutigalugit inuussutissarsiutiminnik taamaatitsinissamik kissaateqarnerminnik piviusunngortitsi-sinnaasimasut

Siunnersuummut matumunnga tunngatillugu inuit kingullertut taaneqartut aammalu aali-sarnermik ingerlatsiinnarnissaminnik inuussutissarsiummilluunniit allamik ingerlatsinissamin-nut nukissaaruttut ataatsimiititaliamit immikkut isiginiarneqarsimapput. Tamatumalu kingunerisaanik pissutsit taamaannerat qaangerniarlugu aalisariutinik isaterinermut tapiissutitit akileraarutaasussanik immaqa akiliinissamut atugassanik isertitaarussimasut akiliutissaa-russimasulluunniit.

Siunnersuuteqartup siunnersuuteqarnermini kissaataata angunissaanut allatigut aaqqiissu-taasinnaasumik siunnersuummik suliarinninnermini ataatsimiititaliaq nassaarsinnaasiman-ngilaq. Tamatuma peqatigisaanik aningaasanut inatsisissatut siunnersuutip isumaqatigiinniu-tigineqarnissaanut imaluunniit aalisarnermut aningaasaliissutitut immikkoortitat pillugit inatsisip oqaluuserineqarneranut atatillugu sammineqartup ilanngunneqarnissaata naleqqut-tuuneranik Naalakkersuisut oqariartornerat ataatsimiititaliamit maluginiarneqarpoq.

Siunnersuutip siullermeerneqarnerani apeqqutit uku saqqummiunneqarput:

- Isaterinermi pissutsit ullumikkut qanoq ippat?
- Tassunga atatillugu 2011-imi inatsimmik allanngineq siuliani taaneqartoq qanoq kinguneqarsimanersoq paasissutissiissutigineqassasoq ataatsimiititaliamit kissaatigine-qarpoq.
- Akileraarutitigut inaarutaasumik naatsorsuinissaq isiginiarnagu tapiissutit tunniunne-qarneranni ingerlaannartumik akileraaruserneqartarsimanersut paasissutissiissutigine-qassasoq ataatsimiititaliamit kissaatigineqarpoq.
- Inuussutissarsiutilinnut tapiissutinik allanik akileraaruteqaataasussaannngitsunik peqar-pa?

4. Siunnersuutip aningaasaqarnikkut kingunerisassai

Siunnersuutip aningaasaqarnikkut allaffissornikkullu kingunerisassaatur siunnersuuteqartumit naatsorsuutigineqartut Aningaasaqarnermut Akileraarnermullu Ataatsimiititaliap oqaaseqar-figiniarneqanngillat.

5. Ataatsimiititaliap inassuteqaataa

Aningaasaqarnermut Akileraartarnermullu Ataatsimiititaliami amerlanerussuteqartut Siumup, Inuit Ataqatigiit aamma Partii Naleqqap ilaasortaatitai ima oqaaseqarumapput:

Inunnut ukiutik pissutigalugit aalisarnermik inuussutissarsiumminnik taamaatitsinissamik kisaateqartunut aammalu aningaasaqarnikkut atukkatik pissutigalugit aalisariummik isaterinissamut tapiissutinit akileraarummik akiliinissaminnut periarfissaqanngitsunut ikiunissamut aqcutissatut siunnersuut matumani pineqartoq ataatsimiititaliami amerlanerussuteqartunit isigineqarpoq.

Tamanna tunngavigalugu siunnersuutip Inatsisartunit akuerineqarnissaa **Aningaasaqarnermut Akileraartarnermullu Ataatsimiititaliami amerlanerussuteqartunit Siumup, Inuit Ataqatigiit aamma Partii Naleqqap ilaasortaatitaanit inassutigineqarpoq.**

Aningaasaqarnermut Akileraartarnermullu Ataatsimiititaliami ikinnerussuteqartoq Demokraatit ilaasortaatitaat ima oqaaseqaateqarumavoq:

Aallaavittut isigalugu maleruagassat assigiit inuussutissarsiutinut tamanut atuunnissaat Demokraatinit pingaartinneqarpoq. Aallaavittut oqarnitsinni nalunngilarput immikkut unamillagassaqaarsinnaasoq immikkut aaqqissuussisoqarnissaanik pisariaqalersitsisunik. Aalisiarutinit isaterinermut tapiissutit tassaapput inuussutissarsiummut aalajangersimasumut immikkut aaqqissuussineq. Aaqqissuussineq taanna tapersorsorparput, tapiissutinilli aaqqissuussinermi sinneqartoortuasiimasinnaasut akileraaruserneqannginnissaat tapersersinaanngilarput.

Aaqqissuussineq pioreersoq aammalu nalikilliliisarnermi maleruagassat Demokraatinit naamattuttut isigineqarput, taamaattumillu siunnersuut itigartinneqassasoq inassutigineqarpoq.

Tamanna tunngavigalugu siunnersuutip Inatsisartunit itigartinneqarnissaa **Aningaasaqarnermut Akileraartarnermullu Ataatsimiititaliami ikinnerussuteqartumit Demokraatit ilaasortaatitaannit inassutigineqarpoq.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Hermann Berthelsen,
siulittaasoq



Peter Olsen

Karl Kristian Kruse




Henrik Fleischer



Múte Bourup. Egede



Malene V. Rasmussen



Jens NapátôK'